



Kakanj, 22. 11. 2017. godine.
Broj: 01/D-01-43- 16 280 /17

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj i Preporuke Komisije za javnu nabavku broj: 850-11/17 od 20.11.2017. godine po otvorenom postupku (OP: 21/17 - Sanacija klizišta u naselju Bare I faza), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), Direktor Društva mr.sci. Kasim Alajbegović, dipl.ing.maš., donio je

ODLUKU o izboru najpovoljnijeg ponuđača

Član 1.

Za najpovoljnijeg ponuđača za nabavku usluga – Sanacija klizišta u naselju Bare I faza, po provedenom otvorenom postupku OP: 21/17, a nakon provedene e-aukcije, izabran je sljedeći ponuđač:

Naziv / ime ponuđača		Ukupno ponuđena cijena bez PDV-a
1.	„TRGOŠPED“ d.o.o. Kakanj	714.210,01 KM

Član 2.

Prijedlog ugovora o nabavci dostavit će se na potpis izabranom ponuđaču „TRGOŠPED“ d.o.o. Kakanj po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije.

Član 4.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.-Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-7784/17 od 16.06.2017.godine.

Procijenjena vrijednost javne nabavke bez PDV-a je 790.000,00 KM.

Obavijest o nabavci broj: 967-1-2-799-3-85/17 poslata je na objavu dana 14.07.2017. godine, a objavljena je na Portalu javnih nabavki dana 14.07.2017. godine.

Učesnik u postupku nabavke „BBM-VAREŠ“ d.o.o. Vareš nakon preuzimanja tenderske dokumentacije sa Portala javnih nabavki je izjavio žalbu na tendersku dokumentaciju broj: 2178/IS/AR/17 od 24.07.2017. godine. Po prijemu naprijed navedene žalbe, Ugovorni organ je dopisom broj: 481-07/17 od 26.07.2017. godine putem portala javnih nabavki obavijestio sve ponuđače o izjavljenoj žalbi, te da se predmetni postupak obustavlja do okončanja postupka pred Uredom za razmatranje žalbi. Termin predviđen za prijem i otvaranje ponuda se odlaže do okončanja postupka po žalbi.

O izjavljenim žalbenim navodima Ugovorni organ se izjasnio Izjašenjem broj: 01/D-01-43-11431/17 od 31.07.2017. godine i isto dostavio sa kompletnom dokumentacijom iz postupka nabavke drugostepenom organu Uredu za razmatranje žalbi BiH.

Ured za razmatranje žalbi je Zaključkom broj: JN2-03-07-1-801-8/17 od 30.08.2017. godine je žalbu žalitelja „BBM-VAREŠ“ d.o.o. Vareš odbacio kao neurednu.

Ugovorni organ je po prijemu Zaključka gornji broj i datum nastavio postupak nabavke, na način da je utvrdio novi rok za prijem i otvaranje ponuda koji je utvrđen za dan 18.09.2017. godine, gdje prijem ponuda utvrđen u 10,00 sati, a otvaranje ponuda u 11,00 sati u prostorijama Komercijalne službe.

O navedenom Ugovorni organ je sačinio Ispravku obavještenja o nabavci broj: 967-1-2-799-8-106/17 od 06.09.2017. godine, te je dopisom broj: 571-09/17 od 06.09.2017. godine obavijestio ponuđače putem Portala javnih nabavki o nastavku postupka javne nabavke.

Komisija Ugovornog organa prvobitno je sačinila Zapisnik o ocjeni ponuda broj: 597-09/17 od 27.09.2017. godine, kojim je utvrdila da od dvije pristigle ponude ponuđača „TRGOŠPED“ d.o.o. Kakanj i „BBM-VAREŠ“ d.o.o. Vareš, ponuda ponuđača „BBM-VAREŠ“ d.o.o. Vareš nije prihvatljiva, dok je ponuda ponuđača „TRGOŠPED“ d.o.o. Kakanj prihvatljiva, nakon čega je direktor društva donio Odluku o izboru najpovoljnijeg ponuđača broj: 01/D-01-43-13605/17 od 29.09.2017. godine, te o istu dostavio ponuđačima koji su dostavili ponude u predmetnom postupku putem e-mail-a dana 29.09.2017. godine.

Ponuđač „BBM-VAREŠ“ d.o.o. Vareš zatražio je uvid u ponude dana 02.10.2017. godine.

Komisija Ugovornog organa je dopisom broj: 619-10/17 od 02.10.2017. godine odobrila uvid za dan 04.10.2017. godine u 11,00 sati.

O izvršenom uvidu u ponude sačinjen je Zapisnik o uvidu u ponude broj: 622-10/17 od 04.10.2017. godine.

U rok za žalbu, žalitelj „BBM-VAREŠ“ d.o.o. Vareš je izjavio žalbu broj: 2967/IS/AR/17 od 06.10.2017. godine, koja je ocijenjena kao neosnovana, te je kompletan spis s izjašenjem broj: 01/D-01-43-14375/17 od 13.10.2017. godine prosljedio Uredu za razmatranje žalbi BiH Filijala Ureda za razmatranje žalbi u Mostaru na daljnje postupanje.

Ured za razmatranje žalbi Filijala Ureda za razmatranje žalbi u Mostaru donijela je Rješenje broj: JN2-03-07-1-1100-9/17 od 09.11.2017. godine kojim je žalba usvojena, te poništena Odluka o izboru najpovoljnijeg ponuđača broj: 01/D-01-43-13605/17 od 29.09.2017. godine i predmet vraćen Ugovornom organu na ponovni postupak.

S obzirom na naprijed izneseno, Komisija Ugovornog organa je ponovo izvršila uvid u dostavljene ponude i konstatovala kako slijedi.

Komisija za javnu nabavku je dana 20.11.2017. godine sačinila Zapisnik o ocjeni ponuda broj: 848-11/17 od 20.11.2017. godine i Preporuku o izboru najpovoljnijeg ponuđača broj: 850-11/17 od 20.11.2017. godine, u postupku javne nabavke usluga - Sanacija klizišta u naselju Bare I faza.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2).
- da su blagovremeno zaprimljene dvije (2) ponude.

- da nije bilo neblagovremeno zaprimljenih ponuda.
- da su ponude ponuđača „TRGOŠPED“ d.o.o. Kakanj i „BBM-VAREŠ“ d.o.o. Vareš prihvatljive.
- da nema neprihvatljivih ponuda.

Ugovorni organ primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Preferencijalni tretman domaćeg primjenjivat će se u svrhu poređenja ponuda prema članu 67. Zakona o javnim nabavkama.

Prilikom računanja cijena iz ponuda u svrhu poređenja ponuda, cijena iz domaćih ponuda će biti umanjena za preferencijalni faktor u visini od 10%.

Dokazi koje dobavljači trebaju dostaviti ukoliko zadovoljavaju uslove za primjenu preferencijalnog tretmana domaćeg:

- Izjava ponuđača da je fizičko ili pravno lice sa sjedištem u BiH osnovano u skladu sa zakonima u BiH i da najmanje 50% radne snage koja će raditi na realizaciji ovog ugovora o nabavci usluga, su rezidenti Bosne i Hercegovine.

Ponuđač „TRGOŠPED“ d.o.o. Kakanj zatražio je primjenu preferencijalnog tretmana domaćeg. Uvidom u ponudu ponuđača „TRGOŠPED“ d.o.o. Kakanj, utvrđeno je da je ponuđač dostavio tražene dokaze, odnosno dostavio Izjavu ponuđača da je fizičko ili pravno lice sa sjedištem u BiH osnovano u skladu sa zakonima u BiH i da najmanje 50% radne snage koja će raditi na realizaciji ovog ugovora o nabavci usluga, su rezidenti Bosne i Hercegovine. Kako je ponuđač ispunio uslove propisane tenderskom dokumentacijom, to će se na ponuđača u postupku obračuna cijena ponuda, a isključivo u svrhu poređenja ponuda primjeniti preferencijalni tretman domaćeg, te će se ukupna cijena ponude umanjiti za preferencijalni faktor od 10%.

Ponuđač „BBM-VAREŠ“ d.o.o. Vareš zatražio je primjenu preferencijalnog tretmana domaćeg. Uvidom u ponudu ponuđača „BBM-VAREŠ“ d.o.o. Vareš, utvrđeno je da je ponuđač dostavio tražene dokaze, odnosno dostavio Izjavu ponuđača da je fizičko ili pravno lice sa sjedištem u BiH osnovano u skladu sa zakonima u BiH i da najmanje 50% radne snage koja će raditi na realizaciji ovog ugovora o nabavci usluga, su rezidenti Bosne i Hercegovine. Kako je ponuđač ispunio uslove propisane tenderskom dokumentacijom, to će se na ponuđača u postupku obračuna cijena ponuda, a isključivo u svrhu poređenja ponuda primjeniti preferencijalni tretman domaćeg, te će se ukupna cijena ponude umanjiti za preferencijalni faktor od 10%.

Ugovorni organ u Obavještenju o nabavci broj: 967-1-2-799-3-85/17 od 14.07.2017. godine previdio je provođenje E-aukcije u skladu sa Pravilnikom o uslovima i načinu korištenja E-aukcije.

Nakon što je Komisija Ugovornog organa utvrdila koje od pristiglih ponuda su prihvatljive, a što je konstatovano ovim Zapisnikom o ocjeni ponuda, zakazana je E-aukcija za dan 17.11.2017. godine sa početkom u 14³⁰ sati. Komisija Ugovornog organa je predvidjela da aukcija traje 20 minuta.

S obzirom da su pristigle 2 (dvije) ponude ponuđača „TRGOŠPED“ d.o.o. Kakanj i „BBM-VAREŠ“ d.o.o. Vareš koje su ocjenjene kao prihvatljive, to su iste označene za učešće u E-aukciji.

Po završetku E-aukcije utvrđeno je da je najpovoljniji ponuđač u postupku nabavke - Sanacija klizišta u naselju Bare I faza „TRGOŠPED“ d.o.o. Kakanj iz razloga što je tokom postupka E-aukcije ponudio najnižu cijenu.

E-aukcije je završena 17.11.2017. godine u 15⁰⁴ sati.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Direktor društva nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima,

internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Ukupno ponuđena cijena bez PDV-a
1.	„TRGOŠPED“ d.o.o. Kakanj	714.210,01 KM

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.-Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 10 (deset) dana od dana prijema ove odluke.



Direktor Društva

mr.sci. Kasim Alajbegović, dipl.ing.maš.

Dostavljeno:

1x Direktor Društva

1x Učesnici u postupku javne nabavke

1x a/a